



საჯარო სამართლის იურიდიული პირი
ილიას სახელმწიფო უნივერსიტეტი



ბრძანება

ქ. თბილისი

N 1383-03

15/07/2021

**ილიას სახელმწიფო უნივერსიტეტში „დერმატო-ვენეროლოგიის“ სარეზიდენტო პროგრამაზე
მიღების/მოხილობის გამოცხადების შესახებ**

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის მეექვსე პუნქტის, საქართველოს შრომის, ჯანმრთელობის და სოციალური დაცვის მინისტრის 2009 წლის 8 აპრილის №135/ნ ბრძანებით დამტკიცებული „რეზიდენტურის ალტერნატიულ დიპლომის შემდგომ განათლებაში (პროფესიულ მზადებაში) მონაწილეობის, მისი წარმართვისა და შეფასების წესი“-ს, „ილიას სახელმწიფო უნივერსიტეტის სარეზიდენტო პროგრამების განხორციელებისა და ხარისხის უზრუნველყოფის მარეგულირებელი წესი“-ს 2.1 და 2.2 პუნქტებისა და „ილიას სახელმწიფო უნივერსიტეტი საბუნებისმეტყველო მეცნიერებების და მედიცინის ფაკულტეტი დერმატო-ვენეროლოგიის სარეზიდენტო პროგრამაზე კონკურსანტების მიღების კრიტერიუმები“-ს საფუძველზე, საბუნებისმეტყველო მეცნიერებებისა და მედიცინის ფაკულტეტის, მედიცინის სკოლის დერმატო-ვენეროლოგიის სარეზიდენტო პროგრამის ხელმძღვანელის, პროფ. ლალი მეკოკიშვილის 2021 წლის 13 ივლისის №7350-35 წარდგინებისა და საბუნებისმეტყველო მეცნიერებებისა და მედიცინის ფაკულტეტის დეკანის 2021 წლის 14 ივლისის N7442-35 სამსახურებრივი ბარათის გათვალისწინებით

ვბრძანებ

1. გამოცხადდეს მიღება/მოხილობა ილიას სახელმწიფო უნივერსიტეტში „დერმატო-ვენეროლოგიის“ სარეზიდენტო პროგრამაზე.
2. ამ ბრძანების პირველი პუნქტით გამოცხადებული მოხილობის მიზნებისთვის, ვაკანტური ადგილების რაოდენობა განისაზღვრება 7 (შვიდი) ადგილით.
3. საკონკურსო კომისია განისაზღვროს შემდეგი შემადგენლობით:
 - ა) ლალი მეკოკიშვილი - ილიას სახელმწიფო უნივერსიტეტის პროფესორი, დერმატო-ვენეროლოგიის სარეზიდენტო პროგრამის ხელმძღვანელი;
 - ბ) მაია დათუაშვილი - კლინიკა კურაციოს ექიმი დერმატოვენეროლოგი, ილიას სახელმწიფო უნივერსიტეტის დერმატო-ვენეროლოგიის სარეზიდენტო პროგრამის მოდულების ხელმძღვანელი;
 - გ) ივანე აბიათარი - ილიას სახელმწიფო უნივერსიტეტის ასოც. პროფესორი მედიცინის სკოლის ხელმძღვანელი.

4. ჩარიცხვის მსურველმა 2021 წლის 16 ივლისიდან 19 ივლისის 18.00 საათის ჩათვლით უნდა გამოაგზავნოს ქვემოთ მითითებული დოკუმენტები საბუნებისმეტყველო მეცნიერებებისა და მედიცინის ფაკულტეტის, მედიცინის სკოლის ელექტრონულ მისამართზე : medicine@iliauni.edu.ge
- ა) განცხადება უნივერსიტეტის რექტორის სახელზე, რომელშიც მითითებული იქნება სასურველი პროგრამა;
- ბ) პირადობის დამადასტურებელი მოწმობის / პასპორტი ასლი;
- გ) ერთსაფეხურიანი პროგრამით მიღებული ან მასთან გათანაბრებული აკადემიური ხარისხის დამადასტურებელი დიპლომის ასლი;
- დ) 3X4 ზომის ფოტოსურათის ელ. ვერსია;
- ე) მიწერის მოწმობის ან სამხედრო ბილეთის ასლი (სამხედრო ვალდებულებისათვის);
- ვ) ერთიანი დიპლომის შემდგომი საკვალიფიკაციო გამოცდის ჩაბარების შედეგად მინიჭებული სპეციალობის მაძიებლის დამადასტურებელი მოწმობა/ცნობა;
- ზ) სხვა სარეზიდენტო პროგრამაში გავლილი მოდულების ჩამონათვალი და დამადასტურებელი ცნობა;
- თ) ინგლისური ენის ცოდნის არანაკლებ B2 დონის ფლობის დამადასტურებელი საერთაშორისო სერტიფიკატი (ასეთის არსებობის შემთხვევაში) ინგლისური ენის მინიმუმ B2 დონეზე ცოდნის დამადასტურებელ საერთაშორისო ვალიდურ სერტიფიკატებად ილიაუნი აღიარებს: (TOEFL(P/B მინიმუმ 513 score; I/BT მინიმუმ 65 score); IELTS (მინიმუმ 5.5); მინიმუმ FCE); ან შეფასებისა და გამოცდების ეროვნული ცენტრის მიერ გაცემული შესაბამისი ვალიდური სერტიფიკატი, რომელიც ადასტურებს კანდიდატის ინგლისური ენის კომპეტენციას პროგრამით გათვალისწინებულ მინიმუმ B2 დონეზე; ან ინგლისურენოვანი საბაკალავრო ან სამაგისტრო პროგრამის დასრულების დამადასტურებელი დიპლომი;
- ი) საექიმო საქმიანობის განხორციელების დამადასტურებელი დოკუმენტები (ასეთის არსებობის შემთხვევაში).
5. გასაუბრება საკონკურსო კომისიის წინაშე ჩატარდება 2021 წლის 22 ივლისს, 15:00 საათზე, ილიას სახელმწიფო უნივერსიტეტში G-409 აუდიტორიაში (ჩოლოყაშვილის გამზ. 3/5), რომლის თაობაზე დეტალური ინფორმაცია დაიდება 21 ივლისს, ფაკულტეტის ვებ-გვერდზე რუბრიკაში „სიახლე“.
6. გასაუბრების შედეგები გამოქვეყნდება 2021 წლის 26 ივლისს უნივერსიტეტის ვებ გვერდზე.
7. ჩარიცხვის მსურველმა საპრეტენზიო განაცხადი გასაუბრების შედეგების შესახებ უნდა გამოაგზავნოს 2021 წლის 27 და 28 ივლისს (10:00 დან-18:00 საათამდე) მედიცინის სკოლის ელექტრონულ მისამართზე : medicine@iliauni.edu.ge
8. ჩარიცხვის მსურველის საპრეტენზიო განაცხადი განხილული იქნება მედიცინის სკოლის საბჭოს მიერ არაუგვიანეს 2021 წლის 2 აგვისტოსა.
9. გასაუბრების საბოლოო შეფასებები, აპელაციის შედეგების გათვალისწინებით, ასევე სარეზიდენტო პროგრამაზე ჩასარიცხ კანდიდატთა სია, მხოლოდ აპლიკანტისთვის მინიჭებული საიდენტიფიკაციო ნომრის მიხედვით გამოქვეყნდება 2021 წლის 6 აგვისტოს ფაკულტეტის ვებ გვერდზე რუბრიკაში „სიახლე“.
10. სხვა სარეზიდენტო პროგრამაზე გავლილი მოდულების აღიარება მოხდება პროგრამის ხელმძღვანელის მიერ, რომელიც პროგრამის შესაბამისად შეადგენს რეზიდენტისთვის

ინდივიდუალურ სასწავლო (კალენდარულ) გეგმას და გააცნოს მაძიებელს ხელშეკრულების გაფორმების დღეს.

11. ამ ბრძანებით დადგენილი წესით ჩარიცხული რეზიდენტებისთვის სწავლის დაწყების თარიღად განისაზღვროს 1 სექტემბერი.

12. ჩასარიცხ კანდიდატებთან ხელშეკრულება გაფორმდება 2021 წლის 9 და 10 აგვისტოს, H-118 ოთახში (მისამართი: ჩოლოყაშვილის გამზირი 3/5).

13. დაევალოს საბუნებისმეტყველო მეცნიერებებისა და მედიცინის ფაკულტეტს 2021 წლის 16 აგვისტომდე ჩარიცხვის შესახებ ბრძანების გამოცემის მიზნით იმ პირთა სიის რექტორისთვის წარდგენა, რომელთაც გააფორმეს ხელშეკრულება.

14. სარეზიდენტო პროგრამაზე მიღების/მობილობის პროცესზე პასუხისმგებელ პირად განისაზღვროს საბუნებისმეტყველო მეცნიერებებისა და მედიცინის ფაკულტეტის მედიცინის სკოლის დერმატო-ვენეროლოგიის სარეზიდენტო პროგრამის ხელმძღვანელი;

15. უნივერსიტეტის საზოგადოებასთან ურთიერთობის სამსახურს დაევალოს ამ ბრძანებით გათვალისწინებული ინფორმაციის უნივერსიტეტის ვებ გვერდზე განთავსება დანართი 1-ის შესაბამისად;

16. დაევალოს უნივერსიტეტის კანცელარიას, ეს ბრძანება გააცნოს საბუნებისმეტყველო მეცნიერებებისა და მედიცინის ფაკულტეტს, რექტორის აპარატს, ადმინისტრაციის სამდივნოს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, ადმინისტრაციის ხელმძღვანელს, რექტორისა და ადმინისტრაციის ხელმძღვანელის მოადგილეებს, დაცვისა და უსაფრთხოების სამსახურს, შემოსავლების აღრიცხვისა და ანალიზის დეპარტამენტს, მატერიალური რესურსების სამსახურს.

გიგა ზედანია

რექტორი

